

Vi ste ovdje: Početna Vijesti Vijesti 122 Bilten za 26.04.2026. godine



Menu

HOME

OGLASI

KONKURSI

JAVNE NABAVKE

ZAVRŠENE JAVNE NABAVKE

VIJESTI 122 I SAOPĆENJA

AKTUELNO

GRADANSTVO

INFORMACIJE

CYBER SIGURNOST

LINKOVI

Arhiva bilten

April 2026						
Po	Ut	Sr	Ce	Pe	Su	Ne
30	31	1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	1	2	3

Pregled vijesti 122



Bilten za 26.04.2026. godine

Objavljeno ponedjeljak, 27 April 2026 11:34
Klikova: 116

JAVNI RED I MIR

Na području Zeničko-dobojskog kantona javni red i mir je narušen u petnaest slučajeva. U navedenim slučajevima intervenisali su policijski službenici i protiv počinilaca prekršaja preduzeli zakonom predviđene mjere i radnje.

KRIMINALITET

Zenica

Dana 26.04.2026. godine, u 19,00 sati, u dežurnu službu Policijske stanice Centar putem telefona obratilo se lice P.S., iz Zenice i prijavilo da je u ulici Crnile od strane nepoznatog lica izvršena teška krađa u kuću vlasništvo lica P.K., kojom prilikom je otuđena određena količina nakita i posuđa. Izvršen je uviđaj od strane službenika Policijske uprave I koji nastavljaju aktivnosti na rasvjetljavanju i dokumentovanju krivičnog djela "Teška krađa".

Visoko

Dana 26.04.2026. godine, u 00,45 sati, u ulici Branilaca, od strane lica M.F., rođeno 2002. godine, iz Visokog je izvršen fizički napad na lice S.A. rođeno 2001. godine, iz Visokog, te oštećenje putničkog motornog vozila marke "Volvo", vlasništvo lica S.A, kojom prilikom je lice S.A. zadobilo teške tjelesne ozljede konstatovane u Kantonalnoj bolnici Zenica. Zbog postojanja osnova sumnje da je izvršilo krivična djela "Nasilničko ponašanje" i "Oštećenje tuđe stvari", lice M.F. je lišeno slobode i zadržano u prostorijama za zadržavanje, te je nad istim zavedena kriminalistička obrada. Izvršen je uviđaj od strane službenika Policijske stanice Visoko koji nastavljaju aktivnosti na dokumentovanju navedenih krivičnih djela.

Breza

Dana 26.04.2026. godine, u 08,15 sati, u dežurnu službu Policijske stanice Breza putem telefona se obratilo lice S.J. i prijavilo da je u ulici Bogumilska od strane nepoznatog lica izvršena teška krađa u ugostiteljski objekat "Jasmin Buffet", kojom prilikom je otuđen određen iznos novca i drugi predmeti. Izvršen je uviđaj od strane službenika Policijske stanice Breza koji nastavljaju aktivnosti na rasvjetljavanju i dokumentovanju krivičnog djela "Teška krađa".

Maglaj

Dana 26.04.2026. godine, u 15,40 sati, u dežurnu službu Policijske stanice Maglaj putem telefona obratilo se lice V.A., iz Maglaja i prijavilo da je sa balkona zgrade locirane u ulici Aleja ljiljana nepoznato lice pucalo iz vatrenog oružja. Brzom intervencijom službenika Policijske stanice Maglaj, utvrđeno je da se radi o licu Z.M., rođeno 1953. godine, iz Maglaja, te je isto zbog postojanja osnova sumnje da je počinilo krivično djelo "Izazivanje opće opasnosti" pucanjem iz vatrenog oružja - pištolja, lišeno slobode i zadržano u prostorijama za zadržavanje, te je nad istim zavedena kriminalistička obrada. Izvršen je uviđaj od strane službenika Policijske stanice Maglaj koji nastavljaju aktivnosti na dokumentovanju navedenog krivičnog djela.

Tešanj

Dana 26.04.2026. godine, u 19,35 sati, u ulici Braće Pobrić, općina Tešanj, od strane službenika Policijske stanice Tešanj, pregledom lica A.M., rođenog 1988. godine, iz Tešnja, pronađena je materija koja svojim izgledom asocira na opojnu drogu. Zbog postojanja osnova sumnje da je izvršilo krivično djelo "Posjedovanje i omogućavanje uživanja opojnih droga" lice A.M. je lišeno slobode i zadržano u prostorijama za zadržavanje, te je nad istim zavedena kriminalistička obrada.

Vareš

Dana 26.04.2026. godine, u 20,30 sati, u dežurnu službu Policijske stanice Vareš se obratilo lice M.E., iz Vareša i prijavilo da je u ulici Rudarska od strane nepoznatog lica izvršena teška krađa kojom prilikom je iz prostorija turističke agencije otuđen mobilni telefon i određen iznos novca. Izvršen je uviđaj od strane službenika Policijske stanice Vareš koji nastavljaju aktivnosti na dokumentovanju krivičnog djela "Teška krađa".

BEZBJEDNOST SAOBRAĆAJA

Na području Kantona dogodilo se sedam saobraćajnih nezgoda u kojima je tri lica zadobilo lakše tjelesne ozljede, teže povrijeđenih lica nije bilo, dok je na vozilima prčinjena materijalna šteta.